



Minister di Infrastructura Benny Sevinger:

“Pabien pueblo di Aruba cu otro joya di edificio cu awor ta wordo renoba”



ta hopi, pero nos tin un bon ekipo cu bon expertonan,” Minister Benny Sevinger a afirma. “Sin duda y cu e pueblo para nos tras, lo logra.” E mandatario a finalisa bisando cu tin hopi proyecto tras di lomba, pero ainda tin mas pa bin riba e lista. “Pueblo di Aruba, pabien cu un joya

di edificio cu awor ta wordo renoba.” E siguiente edificio cu lo conoce un rescate ta esuna di ex Havenkantoor cu e resultando di su detaho publico lo keda anuncia proximo siman y e proyecto ta bou encargo di arkitecto Arubiano Ivar Thijzen.



ORANJESTAD (AAN): Como e titular di Infrastructura den Gabinete Mike Eman, Minister Benny Sevinger tabata entre esnan yama pa firma e contracto di renobacion y restauracion di edificio na punta di Zoutmanstraat, conoci como Museo Arqueologico.

E intencion pa trece e monumento historico aki di 100 aña di antigüedad, bek den su gloria original. Despues e edificio lo fungi como sede di produccion y benta di artesanía netamente Arubiano. Ademas di esey lo ta otro elemento pa completa e constelacion di edificionan monumental rond di Plaza Padu, den cuadro di e renobacion y embeyecemento di Oranjestad.

E firma di e contrato a tuma lugar dialuna mainta den Sala di Consejo di Minister y den presencia di representantenan di Fondo Desaroyo Aruba, e compania cu a gana e destaho publico, arkitecto encarga cu e proyecto, Monumentenbureau y miembronan di prensa. Aki Minister Sevinger a hiba palabra felicitando e pueblo di

Aruba pa cu e rescate di otro edificio di balor historico, pero tambe tur esnan cu ta hunga un papel importante den e proyecto.

“Poco poco e puzzel ta cuminsa forma caminda nos ta drecha nos centro di ciudad,” e mandatario a indica. Mas aleu, Minister Sevinger a

comenta cu no ta djis ‘zomaar’ ta traha riba un edificio di e importancia aki. “Nos ta contento cu awe nos ta firma esaki pa pasa e trabou pa ‘Van Den Broek’ cu lo mester caba cu e trabou den corto plazo y den e standard cu nos a pone riba papel. Nan ta standard basta haltu y controla pa Ing. Yvonne Webb-Kock,” e titular di Infrastructura a bisa refiriendo na e director di Monumentenbureau kende ta hopi riguroso, “te hasta e clabo di 100 aña pasa mester busca.”

E restauracion di e edificio na Zoutmanstraat, cual den pasado tabata un di e 4 edificionan Aruba cu e yage di fungi como Bestuurskantoor cu Aruba a yega di conoce, ta otro proyecto, di e 80 y piconan cu Gabinete Mike Eman ta bezig cune den su vision di BoAruba. “E trabou